



Broj:02/2-31-1515/26

Ilijaš, 25.05.2026. godine

Na osnovu člana 15. Zakona o principima lokalne samouprave u Federaciji BiH („Službene novine Federacije BiH“ broj: 49/06 i 51/09), člana 56. i 57. Statuta Općine Ilijaš ("Službene novine Kantona Sarajevo" broj: 20/09-Prečišćeni tekst i 46/18), Odluke o odobravanju i isplati sredstava na ime sufinansiranja troškova osiguranja potrebnih tretmana i terapija za djecu sa poteškoćama u razvoju („Službene novine Kantona Sarajevo“ broj:14/25), člana 4. Pravilnika o uslovima i načinu ostvarivanja prava na ime troškova osiguranja potrebnih tretmana i terapija za djecu sa poteškoćama u razvoju broj: 02/2-31-995/2025 od 26.08.2025.godine i Pravilnika o izmjenama i dopunama Pravilnika o uslovima i načinu ostvarivanja prava na ime troškova osiguranja potrebnih tretmana i terapija za djecu sa poteškoćama u razvoju broj:02/2-31-1319/26 od 06.05.2026. godine, Općinski načelnik objavljuje:

JAVNI POZIV

za dodjelu finansijskih sredstava na ime troškova osiguranja potrebnih tretmana i terapija za djecu sa poteškoćama u razvoju

I PREDMET JAVNOG POZIVA

Predmet Javnog poziva je utvrđivanje kriterija za dodjelu novčane pomoći iz Budžeta Općine Ilijaš, na ime troškova osiguranja potrebnih tretmana i terapija za djecu sa poteškoćama u razvoju, iznos sredstava koja se dodjeljuju, postupak za ostvarivanje novčane pomoći, kao i druga pitanja od značaja za dodjelu novčane pomoći.

Pod terminom "djeca sa poteškoćama u razvoju", u smislu Pravilnika o uslovima i načinu ostvarivanja prava na ime troškova osiguranja potrebnih tretmana i terapija za djecu sa poteškoćama u razvoju, podrazumijevaju se djeca ometena u fizičkom i psihičkom razvoju.

II PRAVO NA DODJELU NOVČANE POMOĆI

Pravo na dodjelu novčane pomoći mogu ostvariti djeca sa poteškoćama u razvoju sa područja općine Ilijaš do navršenih 26 godina života, a najkasnije do navršenih 29 godina života, ukoliko borave u ustanovi radi osposobljavanja za samostalan život.

Pravo na dodjelu novčane pomoći za djecu sa poteškoćama u razvoju ostvaruje se kao mjesečna novčana naknada u iznosu od 120,00KM.

III USLOVI ZA DODJELU NOVČANE POMOĆI

Pravo na dodjelu novčane pomoći mogu otvariti djeca sa poteškoćama u razvoju sa područja općine Ilijaš, uz ispunjavanje sljedećih uslova:

- da je dijete državljanin Bosne i Hercegovine;
- da podnosilac zahtjeva i dijete imaju prebivalište na području općine Ilijaš najmanje godinu dana prije podnošenja zahtjeva;
- da je jedan od roditelja djeteta državljanin Bosne i Hercegovine;
- da dijete ima utvrđen stepen invaliditeta na osnovu Nalaza, ocjene i mišljenja Instituta za medicinsko vještačenje zdravstvenog stanja
- da pohađa predškolsku ili neku drugu ustanovu, a radi osposobljavanja za samostalan život

IV POTREBNA DOKUMENTACIJA

Zahtjev za novčanu pomoć podnosi zakonski zastupnik djeteta, odnosno staratelj djeteta. Podnosioci zahtjeva obavezni su uz zahtjev priložiti sljedeću dokumentaciju:

- popunjen i potpisan obrazac zahtjeva;
- ovjerena izjava podnosioca zahtjeva o zajedničkom domaćinstvu;
- izvod iz matične knjige rođenih za dijete;
- izvod iz matične knjige državljana za dijete;
- izvod iz matične knjige državljana za roditelja odnosno staratelja;
- uvjerenje o prebivalištu za dijete;
- uvjerenje o prebivalištu za roditelja, odnosno staratelja;
- nalaz, ocjena i mišljenje Instituta za medicinsko vještačenje zdravstvenog stanja
- potvrda ili uvjerenje predškolske ili školske ustanove da dijete istu redovno pohađa u tekućoj godini
- rješenje nadležnog Centra za socijalni rad o starateljstvu, ukoliko prijavu na javni poziv za dijete podnosi staratelj;
- presuda o razvodu braka, ako su roditelji djeteta razvedeni;
- potvrda o otvorenom tekućem računu na ime podnosioca zahtjeva

V POSTUPAK PODNOŠENJA ZAHTJEVA I DODJELE NOVČANE POMOĆI

Zahtjev za dodjelu novčane pomoći može se preuzeti na Info pultu Općine Ilijaš ili sa zvanične web stranice Općine Ilijaš.

Zahtjev sa potrebnom dokumentacijom podnosi se nadležnoj Službi za boračko-invalidsku i socijalnu zaštitu putem protokola Općine Ilijaš, ul.126.ilijaške brigade br.16, Ilijaš.

Nadležna služba će u roku od 15 dana od dana podnošenja zahtjeva utvrditi ispunjenost formalno-pravnih uslova za učešće u Javnom pozivu, te predložiti Općinskom načelniku Odluku o odobravanju finansijskih sredstava na ime podnosioca zahtjeva.

Za sve dodatne informacije zainteresovana lica mogu pozvati broj telefona:033/580-640
Javni poziv ostaje otvoren do kraja tekuće budžetske godine.

OPĆINSKI NAČELNIK



